



**O'ZBEKISTON RESPUBLIKASI
KAMBAG'ALLIKNI QISQARTIRISH VA BANDLIK VAZIRLIGI
JIZZAX VILOYATI BANDLIK BOSH BOSHQARMASI**

B U Y R U Q

“23” mart 2023-yil

Nº 13-ICH

Jizzax shahar

O'zbekiston Respublikasi Kambag'allikni qisqartirish va bandlik vazirligining 2023-yil 23-fevraldagi 13-son buyrug'inining ijrosini ta'minlash to'g'risida

O'zbekiston Respublikasi Vazirlar Mahkamasining 2022-yil 14-oktyabrdagi “Davlat fuqarolik xizmatchilari tomonidan odob-axloq qoidalariiga rioya etilishini ta'minlash bo'yicha qo'shimcha chora-tadbirlar to'g'risida”gi 595-son qarori ijrosini tashkil etish, shuningdek, Kambag'allikni qisqartirish va bandlik vazirligi (keyingi o'rinnlarda – Bandlik vazirligi) tizimi xodimlari uchun odob-axloqning yagona prinsiplari va qoidalari belgilash, ularning o'z xizmat vazifalarini vijdonan va samarali bajarishlari uchun qulay shart-sharoitlar yaratish, davlat xizmatida suistemolliklarning oldini olish maqsadidagi O'zbekiston Respublikasi Kambag'allikni qisqartirish va bandlik vazirligining 2023-yil 23-fevraldagi 13-son buyrug'inining ijrosini ta'minlash maqsadida,

B U Y U R A M A N:

1. O'zbekiston Respublikasi Kambag'allikni qisqartirish va bandlik vazirligining 2023-yil 23-fevraldagi 13-son buyrug'i rahbarlik va ijro uchun qabul qilinsin.

2. Vazirlikning mazkur buyrug'i bilan Bandlik vazirligi tizimi xodimlarining Odob-axloq qoidalari 1-ilovaga;

Bandlik vazirligining Odob-axloq komissiyasi tarkibi 2-ilovaga;

Bandlik vazirligining Odob-axloq komissiyasi to'g'risidagi nizom 3-ilovaga muvofiq tasdiqlanganligi inobatga olinsin.

3. Bosh boshqarma, tuman (shahar) bandlik bo'limlari hamda tasarrufiy tashkilotlarga:

bir hafta muddatda o'z faoliyatlarini xususiyatlarini hisobga olgan holda mazkur Odob-axloq qoidalari asosida tarkibiy bo'linmalar xodimlari uchun majburiy bo'lgan xodimlarning idoraviy Odob-axloq qoidalari ni ishlab chiqsin va o'rnatilgan tartibda tasdiqlasın.

4. Inson resurslarini rivojlantirish va boshqarish bo'limi, Yuridik bo'limi bilan

birgalikda **bir hafta muddatda** Bosh boshqarmaning Ichki mehnat tartibi qoidalarini ishlab o'rnatilgan tartibda rasmiylashtirish choralarini ko'rsin.

5. Odob-axloq komissiyasiga, Inson resurslarini rivojlantirish va boshqarish bo'limi hamda kasaba uyushmasi bilan hamkorlikda Odob-axloq qoidalarining qo'llanilishi monitoringini olib borish va tahlil qilish, zaruratga ko'ra Odob-axloq qoidalarini yana-da takomillashtirish bo'yicha takliflar kiritish vazifasi yuklatilsin.

6. Tashkiliy va ijro intizomi nazorati (I.Mavlyanov) ushbu buyruqni Bosh boshqarma, tuman (shahar) bandlik bo'limlari hamda tasarrufiy tashkilotlarga etkazilishini ta'minlasin.

7. Mazkur buyruqning bajarilishi ustidan nazoratni o'z zimmamda qoldiraman.

Bosh boshqarma boshlig'i



F.Salahiddinov

Kambag'allikni qisqartirish va bandlik
bosh boshqarmasining
2023-yil 23-dagi 13-son buyrug'iga
1-ILOVA

Jizzax viloyati Kambag'allikni qisqartirish va bandlik bosh boshqarmasi Davlat fuqarolik xizmatchilari odob-axloqi QOIDALARI

1- bob. Umumiy qoidalar

1. Davlat fuqarolik xizmatchilari odob-axloqi qoidalari (keyingi o'rirlarda - Odob-axloq qoidalari) boshqarmada davlat fuqarolik xizmatchilarining (keyingi o'rirlarda - davlat xizmatchilari) kasbiy madaniyati, xizmat faoliyati davomida hamda xizmatdan tashqari vaqtida odob-axloqi, tashqi ko'rinishi va kiyinish uslubining qoidalarni belgilaydi.

Odob-axloq qoidalari davlat xizmatida yuksak kasbiy madaniyatni shakllantirish, jamoatchilik ongida davlat xizmatiga bo'lgan hurmat va ishonchni oshirish hamda davlat xizmatchilarining axloq qoidalariiga zid bo'lgan hatti-harakatlarining oldini olishga qaratilgan.

2. Davlat xizmatchilari o'z kasbiy faoliyatini quyidagi prinsiplar asosida amalga oshirishi shart:

qonuniylik;

vatanga sadoqat va xizmat vazifasiga fidoyilik, yuklangan funksional vazifalarini to'liq bajarish, ijro intizomiga qat'iy rioya etish;

fuqarolar huquqlari, erkinliklari va qonuniy manfaatlarining ustuvorligi;

davlat va jamiyat manfaatlariga sodiqlik;

adolatlilik, halollik va xolislik;

korrupsiyaviy holatlarga murosasiz munosabatda bo'lish va qarshi kurashish;

xizmat sirini qat'iy saqlash;

mansab vakolatlarini suiiste'mol qilmaslik;

manfaatlar to'qnashuviga yo'l qo'ymaslik.

3. Boshqarma davlat xizmatchilari mehnat faoliyati davomida va ishdan tashqari vaqtida xulq-atvorining quyidagi umumiy qoidalariiga amal qilishi lozim:

davlat xizmatining obro'siga putur yetkazishi mumkin bo'lgan hatti-harakatlardan tiyilish, axloq normalariga doimiy rioya qilish;

mas'uliyat, kasbiga sadoqat va halollikni kundalik shiorga aylantirish;

murakkab vazifalami bajarishda hamkasblariga ko'maklashish;

xushmuomalalik, e'tiborlilik va hushyorlik bilan fuqarolarda davlatga nisbatan ishonch va hurmat xissini uyg'otish;

oиласида sog'lom muhitni ta'minlab, oila a'zolariga doimiy g'amxo'r bo'lish, farzandlarida vatanparvarlik va boshqa yuksak axloqiy fazilatni shakllantirish;

fuqarolarning ijtimoiy kelib chiqishi, iqtisodiy ahvoli va boshqa omillardan qat'iy nazar, ular bilan bir xil, samimi, odob doirasida munosabatda bo'lish;

jamiyatda axloqning umume'tirof etilgan qoidalariaga amal qilish.

4. Davlat xizmatchilari o'z vakolatlarini amalga oshirayotganda O'zbekiston Respublikasining Konstitutsiyasi va qonunlariga, "Davlat fuqarolik xizmati to'g'risida"gi O'zbekiston Respublikasining Qonuniga, O'zbekiston Respublikasi Oliy Majlisi palatalarining qarorlariga, O'zbekiston Respublikasi Prezidentining farmonlari, qarorlari va farmoyishlariga, Vazirlar Mahkamasining qarorlari va farmoyishlariga, vazirlik, boshqarma buyrug'i va topshiriqlariga, ushbu Odob-axloq qoidalariiga va boshqa qonunchilik hujjatlariga amal qiladi.

5. Davlat xizmatchilari Odob-axloq qoidalariiga rioya qilish majburiyatiga, fuqarolar esa davlat xizmatchilaridan mazkur qoidalarga mos bo'lgan kasbiy madaniyatni talab qilish huquqiga ega.

6. Davlat xizmatchilarining Odob-axloq qoidalariiga rioya etishi ularning faoliyati hamda xizmatdagি axloqini baholashning asosiy mezonlaridan biri hisoblanadi.

Davlat xizmatchilari tomonidan Odob-axloq qoidalariiga rioya qilinishi holati ularni kelgusida yuqori lavozimlarga tayinlash va rahbar kadrlar zaxirasini shakllantirishda hisobga olinadi.

2- bob. Kasbiy madaniyatga oid umumiy odob-axloq qoidalari

7. Davlat xizmatchilari:

fuqarolaiming jinsi, irqi, millati, fuqaroligi, tili, dini, ijtimoiy kelib chiqishi, e'tiqodi, shaxsiy va ijtimoiy mavqeい kamsitilishiga olib keluvchi ta'sir chorralari va harakatlar (harakatsizlik)ga yo'l qo'ymasligi;

halol, adolatli va kamtar bo'lishi, fuqarolar bilan muloqotda xushmuomala, vazmin va samimiy munosabatni namoyish qilishi;

jismoniy va yuridik shaxslarning huquqlari va qonuniy manfaatlari daxldor qarirlarni qabul qilishda qonuniylikni, adolatlilikni va shaffoflikni ta'minlashi;

davlat va jamiyat manfaatlari zarar yetkazuvchi, davlat organlari va tashkilotlari faoliyati samaradorligini pasaytiradigan harakatlar (harakatsizlik)dan tiyilishi;

o'zining xatti-harakati va axloqi tufayli jamoatchilikning tanqidiga uchramaslik choralarini ko'rishi, tanqid uchun ta'qibga yo'l qo'ymasligi, asosli va konstruktiv tanqididan o'z faoliyatidagi kamchiliklar hamda nuqsonlami bartaraf etish yo'lida foydalanishi;

davlat organlari va tashkilotlari, davlat xizmatchilarini va boshqa shaxslarga o'z xizmat mavqedan foydalangan holda shaxsiy masalalar yuzasidan ta'sir o'tkazmasligi;

o'z xizmat vakolatlarini jismoniy va yuridik shaxslarning manfaatlarni ko'zlab bajarish yoki bajarmaslik evaziga ulardan biron-bir mukofot, foya yoki sovg'alar olmasligi;

davlat mulkining but saqlanishini ta'minlashi, o'ziga ishonib topshirilgan davlat mulkidan faqat xizmat maqsadlarida foydalanishi;

xizmat intizomiga qat'iy rioya qilishi, ish vaqtidan oqilona va samarali foydalanishi;

aholining davlat xizmatlari iste'molchisi sifatidagi talablariga muvofiq doimiy ravishda faoliyat sifatini oshirib borish choralarini ko'rishi;

qonun bilan intizomi, ma'muriy va jinoiy javobgarlik nazarda tutilgan huquqbuzarlik va boshqa xatti-harakatlarga yo'l qo'ymasligi;

kasb etikasi va ishchanlik uslubiga rioya etishi;

siyosiy partiyalar, jamoat birlashmalari va boshqa nodavlat tashkilotlari manfaatlari yo'lida xizmat mavqeい va imkoniyatlaridan foydalanmasligi kerak.

8. Davlat xizmatchilar o'ziga bo'ysunuvchi xodimlardan ular mehnat vazifasini bajarayotgan paytda partiya nomidan siyosiy faoliyat bilan shug'ullanishni talab qilishi, siyosiy partiyalar, jamoat birlashmalari va boshqa nodavlat tashkilotlari faoliyatida ishtirot etishga da'vat etishi yoki majburlashiga yo'l qo'yilmaydi.

3- bob. Xizmat faoliyatiga oid odob-axloq qoidalari

9. Davlat xizmatchilar xizmat faoliyati davomida quyidagilarga majbur:

- O'zbekiston Respublikasining Konstitutsiysi, qonunlari va boshqa qonunchilik hujjatlariga so'zsiz rioya etishi; mamlakat sha'nini e'zozlash, davlat siyosatiga sodiq bo'lish;

tashqi siyosat sohasida davlat manfaatlarni qat'iy himoya qilish;

o'z xizmat vazifalarini vijdonan, halol va yuksak professional darajada bajarish, rasmiyatchilik, soxtakorlik va suiste'molchilikka yo'l qo'ymaslik;

xizmat majburiyatlarini samarali bajarish uchun zarur bo'lgan bilim va ko'nikmalarni doimiy asosda oshirish;

yuqori davlat organlari va tashkilotlari hamda mansabdor shaxslarining o'z vakolatlari doirasida qabul qilgan qarorlari hamda berilgan topshiriqlarni o'z vaqtida va sifatli bajarish;

ishlab chiqilayotgan normativ-huquqiy va boshqa hujjatlarga biron-bir shaxs, guruh yoki idoralar manfaati nuqtai nazaridan yondashmaslik hamda ulaming manfaatlari ifoda etilishiga yo'l qo'ymaslik;

har qanday qonunbuzilishiga, ayniqsa, korrupsiya holatlariga qarshi murosasizlik bilan kurashish;

xizmat safarlar, nazorat tadbirdari davomida mehnat faoliyati bilan bog'liq bo'lgan har qanday turdag'i sarf-xarajatlami boshqa shaxslar hisobidan amalga oshirmaslik;

davlat xizmatchilar yoki boshqa shaxslar tomonidan jinoyat yoki boshqa huquqbuzarlik sodir etishga undovchi murojaatlar haqida, shuningdek, hamkasblari tomonidan sodir etilgan yoki tayyorgarlik ko'rيلayotgan qonunbuzilishlar haqida o'zining rahbariga zudlik bilan ma'lum qilish;

chet el fuqarolari bilan alohida belgilangan tartibga zid ravishda bevosita yoki boshqa shaxslar orqali muloqotga kirishmaslik;

o'z xizmat majburiyatlarini bajarayotganda fuqarolar va boshqa shaxslami kamsitmaslik, ulaming ta'siridan saqlanish, fuqarolar huquqlari, majburiyatlar va qonuniy manfaatlarni hisobga olish;

o'z xizmat majburiyatlarini vijdonan bajarishga to'sqinlik qilishi mumkin bolgan xatti-harakatlardan saqlanish;

davlat siri, qonun bilan qo'riqlanadigan va xizmatga oid boshqa ma'lumotlarning oshkor etilmasligini ta'minlash yuzasidan barcha choralamo ko'rish, ulardan qonunga zid ravishda foydalanmaslik;

axborotlarni tarqatish qoidalariga rioya qilish, Internet jahon axborot tarmog'i va axborot kommunikatsiya vositalaridan foydalanishda axborot xavfsizligini ta'minlashning belgilangan tartibiga amal qilish;

biriktirilgan xizmat kompyuteri hamda elektron tashuvchilaridagi xizmatga oid ma'lumotlarning xavfsiz saqlanishini ta'minlash va ularni boshqa shaxslarga tarqatilishining oldini olish choralarini ko'rish;

ijtimoiy tarmoqlarda davlat organlari va tashkilotlari hamda mansabdor shaxslar faoliyatini muhokama qilmaslik, axloqqa zid iboralarni ishlatmaslik, mamlakatda amalga oshirilayotgan islohotlarga nisbatan odamlarda ishonchszilik kayfiyatini yuzaga keltirishi mumkin bo'lgan materiallarni joylashtirmslik;

fugorolar va hamkasblarining sha'ni va qadr-qimmatiga dog' tushiruvchi ma'lumotlar, tuhmat, ig'vo va uydirmalarni tarqatmaslik;

mehnat va ijro intizomi, ichki tartib qoidalariga, shuningdek, telefonda so'zlashish va kiyinish madaniyatiga qat'iy rioya etish;

o'ziga ishonib topshirilgan mulkka va moliyaviy mablag'larga ehtiyotkorlik va tejamkorlik bilan munosabatda bo'lism;

jamoada sog'lom ma'naviy muhitni saqlash choralarini ko'rish;

jismoniy va yuridik shaxslarning murojaatlarini qonunda belgilangan tartibda hamda muddatlarda qonuniy, asosli va adolatli hal qilish;

mehnat jamoasida ishchanlik muhitini shakllantirish va uni mustahkamlashga ko'maklashishi;

mehnat jamoasida hamkasblarining sha'ni va qadr-qimmatini obro'sizlantiradigan shaxsiy va kasbiy fazilatlarini muhokama qilishdan tiyilishi kerak.

10. Rahbarlar quyidagilarga majbur:

bo'ysunuvidagi davlat xizmatchilariga professionalizm, halollik, xolislik va adolatlilida o'rnak bo'lism;

jamoada sog'lom ma'naviy muhit va ishchan kayfiyatni shakllantirish;

davlat xizmatchilarini qonunga xilof xatti-harakatlami amalga oshirishga undamaslik hamda ulardan bunday harakatlarni bajarishni talab qilmaslik;

kadrlarni mahalliychilik, urug'-aymoqchilik, tanish-bilishchilik yoki shaxsiy sadoqat belgilari bo'yicha tanlash, tayinlash yoki tavsiya etishga yo'l qo'ymaslik;

jamoada guruhbozlik va favoritizm (ayrim xodimlarni yaqin olish va qo'llab-quvvatlash) ko'rinishlariga yo'l qo'ymaslik, shuningdek, xizmat vazifalarini bajarish jarayonida boshqa salbiy omillarning oldini olish;

davlat xizmatchilarining faoliyatiga baho berishda qonuniy, asosli va adolatli qarorlar qabul qilish;

davlat xizmatchilarini tomonidan korrupsiya va boshqa suiiste'molchiliklar sodir etilishining oldini olish choralarini ko'rish;

bo'ysunuvidagi davlat xizmatchilarini huquqiy va ijtimoiy jihatdan himoya qilish choralarini ko'rish;

vakolati doirasida shartnomalar tuzish, tanlovlardan o'tkazish yoki rozilik berish masalalariga xolis, adolatli va qonuniy yondashish.

11. Rahbarlar bo'ysunuvidagi davlat xizmatchilariga qo'pol muomalada bo'lisi, haqorat qilishi, shaxsiyatiga tegishi, ularga asossiz tanbeh berishi yoki ayblashi hamda kamsitishi mumkin emas.

bob. Xizmatdan tashqari odob-axloq qoidalar

12. Davlat xizmatchilarini ishdan bo'sh vaqtlarida umumqabul qilingan axloq normalariga rioya qilishlari va ularga zid bo'lgan xulq-atvor va xatti-harakatlardan o'zlarini tiyishlari shart.

13. Davlat xizmatchilarini ishdan tashqari vaqtida quyidagilarga majbur: milliy urf-odat, qadriyat va an'analarga hurmat bilan munosabatda bo'lism; dabdababozlik, shuhratparastlik, guruhbozlik, maishatbozlik, ichkilikbozlik va boshqa salbiy illatlarga yo'l qo'ymaslik;

rasmiy e'lon qilingan ma'lumotlardan tashqari davlat xizmati faoliyatiga oid masalalarni muhokama qilmaslik;

jamoat joylarida (kafe, restoran va boshqa ko'ngilochar maskanlarda) o'zini tutish qoidalariiga rioya etish, atrofdagilaming e'tiborini tortuvchi ortiqcha va salbiy harakatlarga yo'l qo'ymaslik;

jamoat tartibi va xavfsizligiga qarshi qaratilgan xatti-harakatlarni sodir etmaslik, mazkur noqonuniy harakatlarga boshqalami jalb etmaslik yoki da'vat qilmaslik;

xizmat majburiyatlarini bajarish bilan bog'liq bo'lgan idora va tashkilotlar rahbar va xodimlaridan, boshqa mansabdor shaxslaridan qimmatbaho sovg'a olmaslik;

xizmat guvohnomalarini saqlash va foydalanish tartibiga qat'iy rioya etish, ulardan xizmatga aloqador bo'lмаган holatlarda foydalanmaslik, shu jumladan, vakolati shaxslarga xizmat guvohnomasini ko'rsatib, mavqeini suiiste'mol qilmaslik;

xizmat avtotransport vositalaridan xizmat faoliyatidan tashqari holatlarda shaxsiy va boshqa maqsadlarda foydalanmaslik;

ish faoliyati bilan bog'liq ma'lumotlami ishga aloqador bo'lмаган boshqa shaxslar ishtirokida muhokama qilmaslik;

shaxsiy transport vositalaridan foydalanishda belgilangan tartibga amal qilish, yo'l harakati qoidalariiga qat'iy rioya etish;

tadbirkorlik yoki haq to'lanadigan boshqa faoliyat bilan (pedagogik, ilmiy va ijodiy faoliyatdan tashqari) shug'ullanmaslik, O'zbekiston Respublikasi qonunlari va O'zbekiston Respublikasi Prezidenti qarorlarida nazardautilgan hollar bundan mustasno;

o'zi faoliyat yuritgan davlat organlari va tashkilotlari hamda davlat xizmatiga dog tushiruvchi xatti-harakatlardan tiyilish;

tashqi ko'rinishini belgilangan me'yorlar doirasida saqlash, kamtarona kiyinish, atrofdagilaming e'tiborini o'ziga ortiqcha jalb qiladigan tarzda kiyinmaslik.

4- bob. Jamoatchilik, ommaviy axborot vositalari vakillari bilan munosabatlarga oid odob-axloq qoidalari

14. Davlat xizmatchilar omavviy axborot vositalari bilan o'zaro hamkorlik qilishi, davlat organlari va tashkilotlarining faoliyatini omavviy axborot vositalarida yoritilishiga ko'maklashishi kerak.

15. Davlat siyosati yoki davlat organlari va tashkilotlari faoliyati to'g'risidagi omavviy bayonotlar davlat organlari va tashkilotlari rahbari yoki mazkur yo'nalish bo'yicha vakolatli mansabdar shaxs tomonidan amalga oshiriladi.

16. Quyidagi hollarda omavviy bayonot berilishi mumkin emas:

omavviy bayonot matni va mazmuni davlat siyosati yoki davlat organlari va tashkilotlari faoliyatiga aloqador bodmasa:

omavviy bayonotda keltiriladigan axborotlar davlat sirlari bilan bog'liq bo'lsa;

omavviy bayonot boshqa davlat organlari va tashkilotlari nufuzini pasaytirish yoki ulaming mansabdar shaxslarini kamsitishga yo'naltirilgan bo'lsa.

17. Davlat xizmatida jamoatchilik nazoratini ta'minlash maqsadida jamoatchilik tomonidan davlat organlari va tashkilotlari faoliyatiga oid ayblov yoki tanqid bildirilgan taqdirda, davlat organlari va tashkilotlari unga nisbatan bildirilgan ayblov yoki tanqidga omavviy izoh yoxud raddiya berishi lozim.

18. Agar omavviy bayonotda fuqarolaming sha'ni hamda qadr-qimmatini kamsitadigan iboralar bo'lsa, davlat xizmatchisi o'z fikrlarining yanglishligi yoki noto'g'riligini tan olishi hamda sha'ni, qadr-qimmatiga va ishchanlik obro'siga daxl qilingan fuqarodan, agar qonun hujjatlarida boshqa oqibatlar nazarda tutilmagan bo'lsa, kechirim so'rashi shart.

5- bob. Xizmat faoliyatidagi tashqi ko'rinish va kiyinish uslubiga oid odob-axloq qoidalari

19. Davlat xizmatchilarining xizmat faoliyatidagi tashqi ko'rinishi va kiyinish uslubi fuqarolaming davlat organlari va tashkilotlari faoliyatiga hurmatini, shu jumladan davlat xizmatining nufuzini oshirishga xizmat qilishi kerak.

20. Davlat xizmatchisining tashqi ko'rinishi mehnat sharotlari va xizmat turiga qarab, xizmat majburiyatlarini bajarishi vaqtida fuqarolaming davlat tashkilotiga nisbatan hurmat bilan munosabatda bo'lishiga ko'maklashishi, umumiy qabul qilingan ish uslubiga muvofiq bodishi va rasmiylik, xolislik, kamtarlik va intizomni namoyon etishi lozim.

21. Davlat xizmatchilarining ish joyida tashqi ko'rinishi va kiyinish uslubiga oid qo'shimcha talablar idoraviy odob-axloq qoidalari hamda ichki mehnat tartibida belgilanishi mumkin.

6- bob. Manfaatlar to'qnashuvi

22. Davlat xizmatchilar mansab yoki xizmat majburiyatlarini bajarish vaqtida manfaatlar to'qnashuviga olib keladigan yoki olib kelishi mumkin bo'lgan shaxsiy manfaatdorlikka yo'l qo'ymasligi kerak.

23. Manfaatlar to'qnashuvi yuzaga kelgan taqdirda xodimlar o'zining rahbarini darhol xabardor qilishi shart.

Manfaatlar to'qnashuvi mavjudligi to'g'risida ma'lumotlar olgan rahbar bu to'qnashuvning oldini olish yoki uni bartaraf etish yuzasidan o'z vaqtida choralar ko'rishga majbur.

7- bob. Davlat xizmatchilarining manfaatini himoya qilish

24. Davlat xizmatchilami xizmat vazifalarini bajarish bilan bog'liq tahdid, haqorat, tuhmat va qonunga xilof boshqa xatti-harakatlardan himoya qilish davlat organlari va tashkilotlarining rahbari tomonidan amalga oshiriladi.

25. Zimmasiga yuklatilgan vazifalami bajarishga to'sqinlik qilish, jinoyat yoki boshqa huquqbazarlik sodir etishga og'dirishga qaratilgan murojaatlar, shuningdek, hamkasblari tomonidan sodir etilgan yoki sodir etishga tayyorgarlik ko'rيلayotgan qonunbuzilishlar haqida xabar bergan xodimlarni vujudga kelishi mumkin bo'lgan tahdid va xavf-xatarlardan himoya qilish choralar ko'rildi.

8- bob. Odob-axloq qoidalariiga rioya etilishini nazorat qilish

26. Davlat xizmatchilar tomonidan odob-axloq qoidalariiga rioya etilishi ustidan nazorat davlat organlari va tashkilotlarining inson resurslarini boshqarish bo'linmalari yoki Odob-axloq komissiyalari, shuningdek maxsus vakolatli davlat organi tomonidan amalga oshiriladi.

27. Davlat organlari va tashkilotlarida lavozimga tayinlangan davlat xizmatchilar inson resurslarini boshqarish bo'linmalari tomonidan mazkur Odob-axloq qoidalari bilan tilxat asosida imzo qo'ydirgan holda tanishtiriladi.

28. Mazkur Odob-axloq qoidalari buzish holatlari bo'yicha xizmat tekshiruvi davlat organlari va tashkilotlari rahbarining ko'rsatmasiga muvofiq Odob-axloq komissiyalari tomonidan o'tkaziladi.

Xizmat tekshiruvini o'tkazish tartibi davlat organlari va tashkilotlari tomonidan belgilanadi.

9- bob. Odob-axloq qoidalariiga rioya etmaganlik uchun javobgarlik

29. Davlat xizmatchilar tomonidan Odob-axloq qoidalariiga rioya etmaganlik holati ularga nisbatan

axloqiy va intizomiy ta'sir choralarini qo'llash uchun asos bo'ladi.

30. Odob-axloq qoidalariga rioya etmaganlik uchun Odob-axloq komissiyasi tomonidan davlat xizmatchilariga quyidagi axloqiy ta'sir choralarini qo'llaniladi:

ogohlantirish;

uzr so'rash yoki rasmiy uzrnomaga keltirishni talab qilish;

davlat organlari va tashkilotlarining kollegial yig'ilishlarida tanbeh berish.

31. Odob-axloq komissiyasi davlat xizmatchisiga nisbatan intizomiy ta'sir chorasi qo'llash uchun davlat organlari va tashkilotlari rahbariga taqdimnomaga kiritishi mumkin.

Odob-axloq komissiyasi odob-axloq qoidalari davlat organi rahbari tomonidan buzilgan taqdirda, unga nisbatan tegishli chora ko'rish masalasi yuzasidan takliflarni yuqori turuvchi davlat organi va tashkiloti rahbariga yuboradi.

32. Davlat xizmatchisining Odob-axloq qoidalari buzishi ularni qonunga muvofiq intizomiy va boshqa javobgarlikka tortish uchun asos bo'ladi.

10- bob. Yakuniy qoida

33. Vazirlik tizimidagi tashkilotlar faoliyatining o'ziga xos xususiyatlardan kelib chiqqan holda mazkur Odob-axloq qoidalari muvofiq o'z idoraviy odob-axloq qoidalari tasdiqlaydilar.

Манзуреева:		М. Манзурева
Татиевская:		Т. Татиевская
Тарасова:		Т. Тарасова
Ганимова:		Ганимова
Танимук:		С. Бободеков
Танишдим:		Ф. З. Фаниш
Мансурова:		М. Мансурова
Джалоевская:		М. Джалоевская
Ташкадир:		Д. Ташкадир
Мансурова:		Д. Ташкадир
Хижумбай:		А. Ставаев

Токиеван		О.Джекаров
Макиеван		О.Нормалиев.
Макиеван		М.Ишитов
Танысгүл		А.М.Обланов.
Танысгүл		Р.Муктуринов
Танысгүл		И.Курбасов
Танысгүл		А.Башев
Макиеван		Р.Кицаров
Макиеван		С.Омаров
Танысгүл		Р.Макипова
Танысгүл		Р.Чекаев
Танысгүл		С.Енисаров.
Танысгүл		М.Ходасов
Танысгүл		А.Джанов.
Танысгүл		А.Интаев
Танысгүл		А.Каримов.
Макиеван		А.Джекаров
Танысгүл		Г.Газаров.
Танысгүл		Э.Саломеев.
Танысгүл		Б.Карназов
Танысгүл		Ж.Джекаров
Танысгүл		М.Күшбеков
Танысгүл		О.Норкучинов.
Танысгүл		С.Чекаринов.
Токиеван		О.Косенков

Kambag'allikni qisqartirish va bandlik
bosh boshqarmasining
2023-yil «22.03dagи 13-son buyrug'iga
3-ILOVA

**Kambag'allikni qisqartirish va bandlik bosh boshqarmasining Odob-axloq
komissiyasi
TARKIBI**

№ Familiya, ismi, otasining ismi	lavozimi
1. Soatov Baxtiyor Axmatovich	- Bosh boshqarma boshlig'ining birinchi o'rinnbosari, komissiya raisi
2. Esonov Oybek Elmurodovich	- Davlat mehnat nazorati inspeksiyasi boshlig'i, komissiya raisi o'rinnbosari
3. Bababekov Abdusattor Rahmanovich	- Bo'lim boshlig'i, komissiya a'zosi
4. Bobobekov Sarvar Abdurashulovich	- Bosh yuristkonsul't, komissiya a'zosi
5. G'aniev Foziljon Erkinjonovich	- Komplayens nazorat bosh mutaxassis, komissiya a'zosi
6. Abduraimov Shuhrat Abdug'furovich	- Inson resurslarini rivojlantirish va boshqarish bo'limi boshlig'i, komissiya kotibi
7. Mavlyanov Ikrom Raxmatullaevich	- Ijro intizomi va murojaatlar bilan ishslash bo'yicha bo'limi boshlig'i, komissiya a'zosi

*Izoh: komissiya a'zolarining xizmat vazifasi o'zgargan takdirda, ushbu vazifaga yangi tayinlangan
shaxs komissiya a'zosi hisoblanadi.*